

Ali mini Äntli

Ali mini Äntli schwümmet ufem See,
schwümmet uf em See,
t Köpfli händs is Wasser,
t Schwänzli händs id Höö.

Hend si grosse Hunger,
schwümmet si a s Land,
schwümmet si a s Land,
picked feissli Würmli und Schnäggli us äm Sand.

Gönd si de go Laufe,
ohni Strümpf und Schueh,
ohni Strümpf und Schueh,
laufed über d'Wiese,
schnädered dezue.

Gönd si über s Stägli,
wänd si dänn zur Rueh,
wänd si dänn zur Rueh,
gönd i s Äntehüüsli,
wer tuet s Türli zue!

